

北洋官報

目錄

宮門抄

交旨

奏議 ○蘇撫瑞澂奏整頓吏治軍政巡警摺 △晉撫賈奏

鹽課項請包兌摺

特別要件 ○督憲說 △金太史開會辭

公牘 ○督憲札 一件 △易州稟 一件 △安肅縣稟 一件

文告 五則 △電報 六則 △新聞 九則

彙編 ○江甯清理財政局辦理各項報告冊舉例

本局 第一百十二期 法政學報 現已出版

宮門抄

八月十六日 吏部 翰林院 廂黃旗值日 朗貝勒假滿請

安 增崇謝署佩帶印鑰 恩 都凌

阿請假十日 召見軍機 現換夾袍褂

交旨

八月十六日 軍機大臣欽奉

諭旨 孝欽顯皇后几筵前行十滿月禮由 監國攝政王代詣行禮欽此

奏議錄要

江蘇巡撫瑞澂奏整頓吏治軍政巡警大概情形摺

奏為蘇省吏治以及軍政巡警亟宜整頓大概情形恭摺具陳仰祈 聖鑒事竊維內政之修明實有資於吏治

國防之鞏固今莫急於練軍而所以輔助地方行政者巡警亦爲急務就三者衡其緩急尤以吏治爲民生休戚所關天下安危之本際此 朝廷豫備立憲所有逐年應行籌備事宜無不賅於吏治之中是吏治果能秩然則立

憲進行必速推及講求軍政董飭巡警則安內輯外庶可勉求治理奴才嘗竊謂吏治之隆污軍警之優劣其職務實督撫臣任之其職務有不能盡者亦督撫臣之咎也自荷 聖恩洊擢今職視事兩月惟日兢兢今請以蘇省

吏治軍政巡警之積弊及現擬整頓情形爲我

皇上陳之伏念蘇省吏治廢弛久矣蓋蘇省虛負富饒之名民

氣巽懦號稱易治故來官斯土者大都文繡膏粱不習吏事簪纓世胄恃有奧援爲上官者又復漫不加察委差委缺不別賢否曲徇請託奔競成風遂致沿習至今而益不可問矣奴才前在布政司任內亟思所以激揚而補救之無如用人之權不專未能盡其願力現在到任以後逐日傳見各員詢事考言用規器識擇其才者畀以差缺試以事功其不才者則擯而不用每值接見僚屬無不竭誠告誡力杜夤緣由是請託之風近幸稍革並因本年春間奴才在上海會議禁煙差次詳奏候補道李本森一案曾由督撫臣據以上聞仰蒙 恩允立予罷斥故淺猥之徒

亦皆懷然知懼惟害馬可除良苗難殖去惡非難而求才爲難是奴才所爲隱憂也他若裁汰冗員尤爲近今要政奴才現就在城局所各項差使詳加審核所有一差而派數員者歸併而刪汰之一員而兼數差者裁撤而專任之用以重職掌而節糜費總期屏去浮華崇尚篤實先端政俗之本不求旦夕之效此奴才整頓吏治先除積弊之情形也至於軍政之弊今尤難言查蘇省陸軍現僅暫編二十三混成協一協係統轄陸軍四十五標四十六標其四十六標卽蘇松太三屬徵兵四十五標原本蘇省舊有常備各營改編者初以倉卒成軍徵募各半所有統帶各員

亦出於舊軍將校爲多故不獨新操軍紀未能遵章實行甚至兩標各營之目兵學科術科未肯一律以新舊間雜而扭於習慣以將校乏人而絕無教育釀成種種腐敗奴才實有不敢諱言奴才前奉 命督辦江浙緝捕清鄉之時僅就飛划水師各營重定章制嚴令操防然對於新軍每懷不戢自焚之懼雖不避嫌怨曾言於前撫臣陳啓泰而前撫臣雖聽其言嗣以因病出缺率亦未加懲革逮奴才到任之初遂將該軍協統先行更換所有全軍官長並飭遵照定章逐漸改用學堂出身及諳習陸軍武學經驗有素者派充現在密加調查雖不能遽有成規而教練軍紀尙能確守且該軍號爲一協舊以限於財政編制實未完全現擬先行添練工程輜重各一隊已派員赴徐淮海一帶按格徵兵實行訓練嗣後再當按年添練馬砲成營先符混成一協之制容俟徵集編制告成謹另摺 奏聞再分駐省城內外尙有太湖水師巡防隊陸師左右巡防隊各營本由陸路三旗及蘇捕營衛隊等先後改編中多湘淮舊卒習氣之深同於綠營但令分佈巡防三十餘廳州縣若防護釐卡兵民尙能相安所慮一旦有事則緩急不足恃矣現擬飭令水陸巡防各統領以調操換防爲入手辦法使巡防各隊不得久駐一處俾免弛懈無備狎而生玩加以汰除老弱懲治桀悍庶可漸近改良以備捍衛竊念軍事以擇將爲先嚴紀律正賞罰爲其後盾奴才現於委放軍校新軍自排長以上巡防各營自哨官以上均於平時博收慎選詳查其學術經驗以昭慎重卽由該營統帶保送前來亦必親加考驗而目兵過失懲罰核照定章於官長懲責尤加嚴密用以振奮士氣漸除舊習此又奴才整頓軍政先除積弊之情形也蘇省巡警設立最早固先於他省在今日之現象合吏治軍政之弊而一之則又他省所無也蓋創辦以來用候補州縣爲巡官所有巡弁巡士則多綠營簡汰之兵弁旣用此項人員則熟習亦隨之而至雖有警察學堂逐年畢業之人而未加以錄用此積非成是所由來也所不解者巡官各員旣未諳習警章亦未講求教演所有巡弁巡士則並有言語不通者體格委瑣之輩揆諸定章竟無一當卽今爲計惟有力圖改良奴才現已先將原辦各員分別裁留並咨調北洋巡警員弁十數人來蘇責成改定規章勤加管理一切辦法當遵照民政部奏定章程並體察蘇省地方風俗習慣情形甄採不厭周詳用期推行有效謹按憲政分年籌備事宜內開州廳縣巡警限年內一律粗具規模如省城巡警蹈常習故不加整飭將何以爲各屬之模範惟巡警非明習法律之範圍不能使地方服從其法律形端影直所關良非淺細今就原有巡警學堂切實整理俾可儲備人材

藉爲擴充之用且定上級官長非學堂出身者概不遴派用以補苴前失維持治安再蘇州自開商場卽已設立馬路巡警會由蘇州關道及商務局聘用洋員一名以佐督率歷年耗費俸薪曾無裨益今已飭令辭退繳回合同庶免外人干涉並可節省經費至關於巡警衛生消防各事在蘇省尤刻不容緩自當逐漸籌辦冀可綱舉目張此又奴才整頓巡警先除積弊之情形也綜上三事是蘇省之先務亦卽奴才之專責且念法固貴乎因時弊當去其泰甚所以受事以來晨夕徬徨亟籌整理今幸稍有端緒故敢據實上陳奴才知識樸味本無過人之才何敢輕言興革自蹈愆尤惟念世受 國恩之身夙抱不敢欺 君之志故一切設施惟有竭其心力既不能避怨謗而安於苟簡亦不屑徇名譽而徒事鋪張但硜硜自守以察吏安民爲宗旨用期仰答 高厚鴻慈於萬一除關於憲政應行籌備對於地方應加規畫各事宜謹當督同司道各員隨時趕辦另摺 奏報外所有奴才到任後整頓蘇省吏治軍政巡警先除積弊各緣由理合恭摺具 奏伏乞

皇上聖鑒訓示謹 奏宣統元年八月十一日奉 硃批該撫整頓庶務甚屬認真殊堪嘉尙卽按照所陳各節毋得日久懈弛爲要欽此

山西巡撫寶棻奏行晉潞鹽木重銷滯擬請將課項分別包免摺

奏爲行晉潞鹽木重銷滯擬將課項分別包免以舒商困恭摺具陳仰祈 聖鑒事竊照潞鹽行晉共四十四州縣歲定額引一千六百六十餘名丁戊大祲以後銷數不及六成不得已始於光緒二十七年奏請改爲官民並運

旋經酌量分派將潞澤平絳霍隰六府州屬三十一州縣引地不論行銷暢滯責令商人包課一千名所贖滯引以及藩解兩屬暨聞喜靈石共十三州縣儘官運局領運餘臨陝岸代銷各在案六七年來三十一州縣包販地方課雖勉力遵封鹽則迄未銷透而綜計大課雜課並隨課應完之海防經費各案攤捐加價共需銀二十六萬餘兩之鉅各包販以完十成之課補銷七八成之鹽每五年中卽需積壓陳鹽一年將有一蹶不起之勢始則請減包額未經准行現復懇請援照長蘆包繳課引辦法寬免加價查光緒二十九年戶部奏定籌款十條內卽有應照長蘆兩

浙鹽務章程責成商人照數包繳等語潞澤等屬三十一州縣包販當招認之始加成派引原欲藉資督責期於日起有功無如包額本難銷足益以各案加價成本更重商情畏阻以致完本年之課運上年前年之鹽情形日亟一

經革退另招必致無人接充課歸無著長商短商之害將復見於今日再四籌度非責令包繳則愈積愈重終不免於倒乏非豁免加價則徒言包繳斷難見諸實行查各案加價固皆新籌要款然正雜課項尤屬歲額正供兩害從輕事非得已惟有將六府州所屬認定一千名內挑出二成引不出庫每綱以二百名爲率此二百名應完大課雜課暨隨繳之海防經費按引攤捐償款攤捐每名共銀一百十八兩仍令包繳其另籌加價賠款加價以及上年起征之普通加價每名共銀一百五十兩原從鹽價加收今包繳之二成既封課而不運鹽並無鹽價可收祇可暫行寬免以示體恤於應解洋款尙不致虧短等情由河東鹽法道陳際唐詳請 奏咨前來奴才覆加查核均係實在情形合無仰懇 天恩敕部准予照辦以舒商力而衛正供殊於鹽政前途裨益良多至此項引張應令扣存在庫穿孔彙繳俾免影射一俟稍有起色仍當責令領運封完加價除咨部查照外所有本省包鹽積久難支懇將課項分別包免緣由理合恭摺具陳伏乞 皇上聖鑒訓示謹 奏宣統元年八月十一日奉 硃批該部議奏欽此

特別要件

督憲端蒞諮議局臨時會演說

八月十六日

今日開會大旨已由籌辦處總辦詳述蓋一切提前規畫按章準備辦法皆爲九月初一開正式會實行諮議局章程地步故今之開會爲上下交通人民與聞政事之大關鍵在會諸君凡所應負之責任即從此始即應盡之義務亦從此起此地方之福士民之幸千載一時之盛舉也今之世界每云無無憲法之國憲法通義大率行政之權在官吏言論之權在庶民論者動謂吾國政治隔閡由於庶民不能上書言事人民無言論權所致要之吾國通弊不在人人無言論權而在人人無責任唯無責任故無政治思想家族以外視同秦越地方公益淡漠相遭甚至納稅當兵視爲國家制度不知爲人民義務以致數年來有官治無自治幸而官吏得人則坐享其成不幸而不得人則亦不知所謂補助詩之言曰邦人諸友莫肯念亂蓋深爲無責任之國民慨乎其言之也故本部堂對於今日之會首以發起人民責任心爲主人人有責任心則對於政治之得失乃視爲一身一家之得失且一切言論乃能根據事實且有代表公衆意思資格直省地大民衆民智未盡開地利未盡闢地方要政如實業如教育如財政均宜切實研究力求進步竊欲諸君於言論範圍內事皆引爲責任內事有責任乃有熱心有熱心乃有事功如此則言論

機關乃爲有效至於諮議局一切規則以及辦事細則均爲今日會內應議之事尤宜籌畫盡善詳細討論蓋必慎於謀始乃可善於爲繼此即本部堂欲與在會諸君共勉者矣

八月十六日直隸諮議局臨時會開會辭 籌辦處總辦金邦平述

順直諮議局第一次議員諸君今日奉 督憲召集臨時會舉行互選假定議長副議長以便提掇會議爲通常會前一切之準備諸君無遠近皆來集足徵熱心國事重視職務不勝佩服歡迎之至他日抒籌建議必有良好之結果可預賀也本籌辦處尙有未盡事宜容俟通常會報告一切惟今日有不憚贅言欲諸君清聽者二事一爲諮議局成立之不易自甲午庚子創鉅痛深上下共圖改革乃有五大臣出洋考察政治之舉其後因議改官制而設資政院復因推廣輿論而設諮議局定章者一年籌辦者又一年諸君由選舉人經初選當選復選當選而爲議員前後閱時五六年籌辦用款十餘萬始有今日之結果亦云難矣一爲諮議局責任之重大我國預備立憲以開諮議局爲入手藉此可驗人民智識之程度以爲實行憲政之權衡諸君果能盡代表全省輿論之責則上不屈 朝廷之望下不負人民之託而憲政各項預備均可如期進行庶將來實行憲政順如流水矣諸君諸君諮議局成立之不易如彼責任之重大又如此諒必早經覺悟而矢盡心竭慮以擔負利國利民之大計此則同人所馨香禱祝者今當開會略述蕪辭以爲他日之記念云爾

公牘錄要

督憲端據奏議等呈送留日陸軍畢業生梁心田等四名赴部考試咨送陸軍部查照文

爲咨送事案照北洋第一屆留日陸軍畢業生周宗祥等赴部考試業經給文咨送并聲明梁心田等四名尙未回北洋俟到津時另案辦理等因在案茲據陸軍督練公所奏議等呈稱梁心田龔維疆吳樂三王樹榕四名現已到津呈請另文咨送前來除批准外相應備文發交該生等資報以資應試爲此合咨 貴部請煩查照施行須至咨者

易州張牧壽齡稟別除斗行中飽籌出的款以裨新政文附簡章並批

敬稟者竊維新政繁興百端待舉欲圖充分發達惟在籌集鉅資推其進步不速之原因實由財政困難之所致卑

州地瘠山多民生困苦庚子之後元氣未甦正休養生息之不遑奚忍再加剝削是欲有裨實用無害民生惟有剔除中飽爲清釐財政開闢利源之良法查州境城鄉各集設有斗行經紀由官派定卑職調查確數知城關向章買賣各糧每斗抽收斗用京錢一十八文除應解藩司及照章交納各項外其餘均爲該斗紀等所私有嗣因巡警經費支絀經卑前州寶牧傳集各斗紀酌加斗用四文飭令帶收而該斗紀等又藉端私收四文共計每斗抽用京錢二十六文數年以來中飽之款爲數甚鉅約計每年不下七八千吊之譜而該斗行等應繳帶收巡警費復累年積欠均以市面蕭索爲詞實則盡入私橐現經卑職傳案集訊其抽用數目率皆以多報少卽有和盤托出者亦以糧石銷數核減朦稟相爲伸縮與卑職調查大數相去懸殊疊次督同紳董籌商整頓之策以杜中飽之弊計惟有公家設局抽收始爲正本清源之法現已飭由該紳董等遴選司事限同斗紀等抽收以期弊絕風清毫無朦混當經卑職與該紳董等議定章程擬以舊案原抽之一十八文仍歸舊案解交藩司及該經紀等應繳囚糧等項之用近年帶收巡警費之四文及該斗紀等私收之四文悉歸新政用項如此改良辦法涓滴歸公庶民間照舊交納毫無累擾新政得此的款似亦不無小補俟將來辦理得手再將該經紀等一律裁撤除出示曉諭外理合照錄簡章八條具稟呈請 大帥鑒核俯賜批示祇遵實爲公便

附錄簡章 計開 一宗旨此次專爲剔除中飽起見先行出示張貼城關各處曉諭居民查城關向章買賣各糧每斗共出斗用一十八文除應解司庫及照章交納各項外其餘均爲斗行私用繼因巡警經費支絀每斗加抽四文而該斗行等又復私加四文共計每斗抽用二十六文此次改設官局選派司理抽收除舊案之一十八文仍照舊章辦理外其餘新案之八文悉歸新政總匯所充作新政之需以清界限 二辦法既設官局應由官派司理以專責成除白米芝麻不計外所有城關買賣各糧皆由該司理派人過斗每斗之二十六文全交官局該斗行應得之一十八文再由官局支領以杜朦混 三地址北關開設總局一所東南西三關各設分局一所 四職員由官派總稽查二員司理一員其餘需用人數擬由總稽查司理妥擬章程核定辦理 五經費總稽查司理三員概不支給薪伙擬由抽收八文內酌提二成以資辦公 六執照凡買賣糧食之人擬發抽收執照以便稽核 七罰則所有私行買賣均按偷漏例賣者糧食一概充公買者照價議罰以示懲儆 八附則此次所擬章程恐未盡善如

有應行改正之處隨時斟酌情形稟明辦理

督憲端 批據稟並簡章均悉該牧督同紳董整頓城關斗捐改設官局剔除中飽籌出的款辦理新政甚屬妥善應即傳諭嘉獎仰藩學兩司查照飭知繳

安肅縣曾令傳謨稟酌減警費加增餉糈暨籌設教練所情形文並批

敬稟者竊維警察教育關係地方治安必須人人共明職務方能逐漸改良以盡保衛責任安邑巡警款項不足以故傳習諸多未備卑職到任後適奉更設教練所新章遂即謀之巡官警董議商數次皆以款絀頗費躊躇伏查巡警無教育與常人等就令乏米爲炊決難因噎廢食自應酌量變通及時興辦擬就一百三十名之中先將不堪造就者裁減數名擇尤酌增餉糈資鼓勵並遵章以警餉充作教練所經費一俟款項充裕再復原額飭令總局巡官警董等妥籌辦理去後旋據該總局稟稱以裁減兵額加增警餉並籌設教練所擬就簡章十四條附呈功課表請查核立案等情卑職查核所稟請將巡長分爲三等頭等巡長月餉京錢十二吊二等十吊三等九吊目前暫定爲三等其頭二等巡長一俟著有勤勞隨時拔升以資鼓勵巡兵亦分三等頭等巡兵月餉八吊五百文二等八吊三等七吊五百文目下定爲二等巡兵四十名餘皆定爲三等其頭等巡兵作爲拔升地步教練所附設巡警總局四鄉分局各設補習科以備總局教練各生實地練習之用學生卽就巡警中挑選若照章調撥則各區巡警不敷分布轉恐不足以資保衛擬變通分甲乙二班先選三十人爲甲班教練六個月再調乙班三十人入所教練卽將甲班撥歸各區補習科實地練習乙班六個月後亦然互相調撥教練使六個月在所教練六個月實地練習一年卒業以符定章惟款項不足卽以巡餉提注巡官警董分任教練等事宜各盡義務以節經費其餘各條大致均尙妥協所內茶水煤炭紙筆書籍等雜費另行籌撥於三月十八日開堂嗣因巡警程度太低遂變計招考學生二十人復從巡警中挑選十名仍定三十人爲一班自開堂以來教練頗稱認真除仍督飭巡官警董等認真教練妥善經理俟畢業後另行稟報外所有卑縣巡警酌減兵額加增餉糈並已籌設教練所情形理合照錄簡章並功課表稟呈 大帥查核俯賜批示立案肅此具稟恭叩 勛祺伏乞 垂鑒 (章程錄昨報)

督憲端 批據稟並摺表均悉仰警務處核飭遵照此繳

文告錄要

督憲批示錄要○錢道寶書稟請添派劉守景沂爲協贊會坐辦乞批示由 批如稟派充仰卽知照抄由批發
藩台牌示○新河縣闔境紳民生孫利貞等稟請委員查覆一案 查官確局委員陸大使培餘派鹽改賬包娼
及違制薙髮各節業經長蘆張運司一再委查毫無實據其爲王令有心攻訐意存誣陷可知若不嚴行懲戒誠
如 督憲所論不足以儆洩風爾等並不在家安度胆敢以委員查覆不實公憤難平等詞來轅妄瀆察爾等之
意若非因大使疏銷引鹽操之過急積恨未消卽屬重受王令囑託似此不安本分本應提懲姑念事出初次暫
從寬免政體攸關若再干預定卽從嚴提辦不貸凜之

藩台批示○清豐縣職員劉法先等稟控楊治國等盜拆墳廟請提訊由 批據稟楊治國之祖卽或當日爲爾劉
姓看守墳塋亦屬貧家常事豈能據稱楊治國等爲墳丁後裔且所給廠地旣查無證據卽屬並無其事何得任
意誣指至爾等始祖遺像與 關帝並肩塑坐僭妄已極爾等不遵縣諭移出另供反稱事創前明不自今始足
見爾劉姓越禮犯分並恃強欺弱已非一朝一夕所粘全案清單惟後尾抄叙縣批最爲明晰且甚公允候札飭
該縣迅速照批斷結完案詳銷爾等卽回籍備質毋再固執私見來轅上瀆單圖附

保定工巡總局告示○爲出示曉諭事照得警察之設原爲地方人民保全安甯維持秩序意至美法至良也查保
定省城爲九省通衢五方雜處誠恐宵小之輩溷跡其間致滋隱患本總局職司保安凡關於戶口遷移以及婚
嫁生亡等事迭經傳飭各分局逐細詳查用昭安慎第以省垣地面遼闊若僅恃官弁之調查耳目或有難周必
須佐以人民之報告纖悉乃無遺漏伏查 憲政編查館奏定違警律第二十四條內開遷移婚娶生死不遵章
程呈報者處五元以下一角以上之罰金等因本總局曾經出示曉諭在案惟查各段住戶其違章呈報者固不
乏人而遷延不報者亦所恒有與其處罰於事後何如防範於事先凡屬官紳士庶嗣後均須遵照部章遇有遷
移嫁娶生亡等事卽赴該管分局報明以符警律而便移查除飭城關各分局查照外合再重申誥誠爲此示仰
諸色人等一體懷遵毋違特示

附錄天津官事○督憲牌示定於本月十九日闔屬文武換戴暖帽

電報錄要

路透電○德國第一德瑞納提號式大戰艦已於西本月二十七號在德國西北海口齊爾軍港舉行入水典禮該艦命名烏里高羅號查該艦之兩姊妹艦可於今冬入水且統於千九百十一年間可供差遣云

又電○法國飛行艇萃伯巴拉克號在法屬印度洋內勃爾本那思羣島附近墨林島之德非爾地方週圍駛行時突然炸裂該艇自百邁當高之空際墜落街中跌斃艇員四名查該艇頃刻之前猶在墨林島受人歡迎德皇聞耗遂致電巴黎弔唁而德國各報紙亦同表哀情

柏林電○俄京聖彼得堡電稱俄外相依烏洛斯克氏擬於西本年十二月辭職俄內閣總理大臣司徒利賓氏擬擢其姻兄亞瑣拿氏繼其任

又電○聞駐美國俄使羅善男爵不日交卸駐美公使之任改授駐奧公使並聞俄國駐美公使一席即以比哲美猶氏充當

又電○義俄兩國因其兩代表與德國新首相赫洛威克氏及奧國外部大臣相晤頗極滿意

新政紀聞

政治

直隸諮議局開臨時會○直隸諮議局籌辦處遵奉 督憲札文召集諮議局議員於昨日開臨時會假河北李公祠為議場於午後一鐘開會當眾舉出閻君鳳閣為假定議長齊君樹楷李君架為假定副議長以備會議開正式會一切事宜

創設自治公報辦法○蘇屬自治籌備處前擬創辦自治公報以開風氣現聞該報定於初一日出板茲將一切辦法錄下

一本報定名為蘇省地方自治公報由蘇省地方自治籌辦處編纂按每星期發行一次以督促自治之進行增益人民之智識為宗旨 一本報登載事例分八項如左 甲恭錄 諭旨以有關於預備立憲者

為限 乙彙錄關於地方自治之部頒章程暨本處所定之規章 丙凡關於地方自治之 諭旨及部頒章程暨本處所定之規章均用白話為極淺之解釋使凡識字之人民均能知其大意以發生其法律思想 丁省

程暨本處所定之規章均用白話為極淺之解釋使凡識字之人民均能知其大意以發生其法律思想 丁省

城自治研究所編纂之各項講義依次登錄其有應用白話解釋者仍就講義另演爲白話 戊籌辦處所奉公牘及自辦各種公牘擇要登錄 己調查各屬辦理自治成績或考論其優劣或詳求其利弊略加評判之語以爲懲勸並按月列表以爲比較 庚調查各屬城鎮鄉舊有之公產公款及公益事項確實可據分別列表登載 辛譯述東西文各書籍報紙與地方自治有關係者附錄報末 一本報編纂事務由總會辦提調督率各科員分任如乙丙丁辛四項由法制科各員擔任甲戊二項及校對繕寫由文牘科各員擔任己庚二項由調查科各員擔任印刷發行收取報費由庶務科各員擔任均不另支薪水以節費用其從前宣講所之宣講員三人改爲法制科之編纂白話員兼任繕校各稿薪水仍舊 一本處參議擔任調查各屬自治成績及舊有公產公款公益事項按每星期報告本處一次 一本報發由各廳州縣自治公所代派每屬暫派五十分但按印刷紙本於每月底繳價歸墊以資接濟 一本報每星期出報一紙用上白洋連泗紙全張印刷內分爲六頁俾閱者得隨時裁訂統計紙張印刷每月或四紙或五紙所費約不得過銀元六分開辦之始須墊用印刷紙張成本經費擬暫由本處籌墊

學務

小學觀摩會誌盛○津埠勸學所於十三日爲官民立各小學堂高等二學年級學生觀摩試期計應試學生官立有城隍廟河北大寺行宮廟慈惠寺藥王廟直指菴育德菴西方菴玉皇廟過街閣營務處隄頭村十二堂民立有民立第八第十二第十九高家莊李氏私立四堂共十六堂學生約二百八九十人是日下午二鐘齊集由縣視學華芷拾君點名給卷至六鐘以前已陸續交卷出場其試題係國文格致各一題茲將兩題附錄於後

國文 勸同學不可無恒啓 格致 論桑之形性及效用

私塾研究會開會○十三晚天津勸學所在河北宣講所開私塾研究會縣視學提議各塾師有願赴各小學參觀者由勸學所作書介紹各塾并可自行組織參觀及教授批評中區勸學員提議教授應按新章完全科及四年簡易科兩類辦理并用部編教科書以期與學堂銜接并以城西傳習告竣各塾師亦加入研究改爲每月第四星期再加研究一次其國文小課仍在第二星期云 本月小課題 教育應如何方能普及說 今有樟木一

塊長四尺五寸寬一尺七寸厚二寸祇云每立方寸值洋三釐問共值洋若干

軍政

考試砲勇備充隊長○上年秋江蘇飛划水師統領陳德龍主政在蕪門外設立教練所首調合營砲勇送所學習後復派回本營教授各本船勇丁現主政仍奉兼統是營以各槍船隊長(即船長)未經入所教練難以勝任因飭將各該砲勇調省以候親自考驗擇優拔充隊長俾各隊長入所教練後再行量才錄用

委員赴淮徐徵兵○蘇撫瑞中丞以本省新軍編練已久僅有步兵兩標馬砲兩營而工程輜重尙未成立殊與部章不合蒞任後即飭在闔門外趕緊建造營房以立基礎現在工程已將次完竣爰復先行札委參謀處提調張佐禕爲正徵兵官第一標隊官金愷張忠立第二標隊官朱庭炬李震翻爲副徵兵官前往江北淮徐一帶徵募新兵一千名以便編練入伍俾完全混成一協之制各徵兵官均已整頓行裝大約本月初十後即須起程前往設局開辦矣

勘定陸軍秋操地址○豫省陸軍秋間實地練習已由參謀處董提調書春偕同員弁暨測繪學生前往汜水縣境測勘勘定由大師沽至虎牢一帶爲行軍路線其虎牢以西山原交錯最合攻守設伏之用已繪圖附說稟呈撫軍核奪

財政

會議實行印花稅辦法○蘇撫瑞方伯以部頒印花業已派員赴京承領惟此項稅票部定章程領到三個月後爲實行之期一切辦法自應早爲預備當經行司轉飭府縣籌議辦法在案茲悉府縣奉文後以事屬創行亟須商議妥善辦法應如何招商承辦暨總發賣分發賣人若干或由商會經招出具切結等情茲已照會商會迅速商酌辦法以臻妥洽

飭催調查財政表式○湘省自設立調查局早已頒發調查報告表式分別門類通飭各處按式填送以符定章現因辦理新政應以民財爲起點際此時事多艱度支奇絀非將全局籌算無以得其總核乃迄今日久各處填報者尙屬寥寥日前復通飭催齊以便隨時彙送云

一冊式分列報部與否原爲查明內銷外銷免致夾雜惟開報出入各款次第須照度支部調查條款內出入款目挨次開列若向有之款爲條款內所未載者應即增開凡收入支出之案由及有特別之原因逐款加注按語如入款內部款協款應聲明請撥核准之案本省收款應聲明有無定額及何年裁減何年增添各案俾資考證

一各處按年填送之各項出入款目冊須於每類每款附上年出入數目以爲比較

一凡有隨糧代收學堂善舉積穀及扣廉攤捐陋規私費等款亦應照式分開報告冊送局查核

一宣統元年正月以後各處報告冊按月送局散而不整彙核恐滋淆悞應於每季之末一月由各署局將一季內收支各款逐款於冊內列一全季總數以便彙造通省季總冊每逢年底將一年內收支各款再逐款於冊內列

報全年總數以便彙造通省年總冊遵限送部

一入款分國家稅地方稅類出款分國家行政經費地方行政經費類其中又分額支活支均應依類登注於各款

之下以期明晰

冊式

標題曰江南某 局所 衙門 學堂 年 月分出入款項報告冊

入款 報部正款類 一某款 如部頒調查條款內田賦等款是 某項 如調查條款內田賦款下地丁等類

是 某目 如調查條款內田賦款地丁正賦耗羨等目是 一上屆舊存銀若干 一收某年分銀若干

一續收某年分銀若干

按語 應依調查條款冊內收支各款均應詳考沿革聲叙原案其各項名目詞意稍晦者酌加詮釋以資考核

惟各款非加按語不明者自應於每款下繫以按語詞簡備明不可繁冗其有毋須接語者自可從省若其事非

連篇累牘不能叙明者應另作說明書附於冊後以備查考

查此式舉其大略各署局查照部頒條款分別正款雜款報部未報部依類編列至丁漕應於某目下注明額征

緩款實征各數如上半年款熟未定之時即以額征爲應征之數其有上年未完本年接征者亦將應接征之數

於某目下登注式內以銀爲標準凡收米穀錢洋仿此照填如有按月收款即於某年下添某月分若款只一項

即不必分列項目

出款 報部正款 一解某年某款銀若干 一支某年某款銀若干 一補解某年某款銀若干 一補支某年

某款銀若干 一提解某年某款銀若干 一預支某年某款銀若干

按語說見前

查支款有應將細數逐一開列查照部頒條款辦理

報部正款四柱總結 舊管 共存銀 米 錢 洋 新收 共收銀 米 錢 洋 開除 共支解銀 米

錢 洋 實存 共仍存銀 米 錢 洋

按語說見前

入款 報部雜款 一某款 某項 某目 一上屆舊存銀若干 一收某年分銀若干 一續收某年分銀若

干

出款 報部雜款 一解某年某款銀若干 一支某年某款銀若干 一補解某年某款銀若干 一補支某年

某款銀若干 一提解某年某款銀若干 一預支某年某款銀若干

按語說見前

報部雜款四柱總結 舊管 共存銀 米 錢 洋 新政 共收銀 米 錢 洋 開除 共解支銀 米

錢 洋 實存 共仍存銀 米 錢 洋

按語說見前

入款 未報部各款 一某款 某項 某目 一上屆舊存銀若干 一收某年分銀若干 一續收某年分銀

若干

按語說見前

出款 未報部各款 一解某年某款銀若干 一支某年某款銀若干 一補解某年某款銀若干 一補支某

年某款銀若干 一提解某年某款銀若干 一預支某年某款銀若干

傷風貽患

天津逆旅主人自述可畏之經歷嘗遺書致謝韋廉士大醫生紅色補丸其使重作康健有力之人焉

傷風一症最易釀成危疾即如天津法租界佛照樓棧主王君恩普嘗明證其所經歷而作保證書如左云○半年前余身素康健無異常人偶因感冒風寒初起於胸際曾服各藥罔見效驗病勢日甚一日繼至咯血每晨興時咳



嗽不止必越數分鐘之久痛極難堪迨勢過後殊覺氣喘乏力未幾甚軀弱衰頹異常余爲一棧之主辦事殊費氣力誠恐應酬不週有失任商賜顧所以遍覓良方亟思醫治無奈嘗試各種丹藥非惟無益抑且加重後至睡臥床榻計三禮拜有餘勢日沉重咳嗽頻加咯血多次幾失全愈之望一日偶閱天津新聞紙見有所載證書與余病相同而爲韋廉士大醫生紅色補丸所治愈者爰倩人至天津法租界衛生大藥房取購一瓶依法服食幾乎頓覺痰愈咳嗽亦減故耐心入服氣力日增直至十分全愈而後已今者咳嗽斷絕咯血亦止體健勝於疇昔雖年屆五十而有五而精神更形充足矣余深信韋廉士大醫生紅色補丸有生長新力之奇功確知余病實爲紅色補丸所治愈甚願將余所言實情探登報牘以告世之同病者○韋廉士大醫生紅色補丸醫治王君恩普之症即使其血鮮紅稠濃俾體弱之軀得生新力以勝其驚恐致命之肺疾也是丸常以此法由血中經過使其身體康健復原曾經醫治數千萬人所患之症即如血虧惡症 諸虛百損 少年虧喪 陽萎不舉 胃不消化 肝經各病 頭暈 山林瘴氣 瘋淫骨痛 腎骨痠痛 左癱右換 腳氣衝心 瘡疥疔疹 頭暈 山林瘴氣 瘋淫骨痛 腎骨痠痛 左癱右換 腳氣衝心 瘡疥疔疹

皮膚諸症 以及婦科各症 月經不調 氣鬱不舒等症是也 韋廉士大醫生紅色補丸中國各處商店經售

西藥之處均有代售或直向上海九江路B字第八號 韋廉士醫生藥局總發行處購買亦可 價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士醫生藥局啟

縱覽會

本月二十日至二十六日本場開第四次縱覽會前四日男客入覽後三日女客入覽每日由上午十二鐘至下午六鐘無論官紳士庶均可進場游觀藉開風氣不取分文

天津河北密窪實習工場謹白

本局印售各種書籍圖畫目錄

澄衷學堂字課圖說
 天文歌略
 地球歌略
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學筆算教科書
 初等小學筆算科科算教授法
 忠經
 英文學隅
 東文典問答
 地理學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 二本洋二角
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 二册洋三角六分
 合售洋三角六分
 一本洋紙洋五分
 一本洋二角五分
 二本洋二角五分
 一本洋二角
 二本洋五角
 二本洋紙洋四角
 二本洋紙洋五角五分
 二本洋紙洋四角
 二本洋紙洋四角
 二本洋一元二角
 二本洋四角
 二本洋紙洋七角五分
 一本洋紙洋四角
 一本洋紙洋三角五分
 一本洋紙洋一角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物圖
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰學報彙編一百種
 乙巳學報彙編
 丙午學報彙編
 全年新書三十五種
 日本栽桑捷法
 美國養雞法
 鳥糞述聞
 鑄輔輿地全圖
 御製耕織圖
 朝鮮輿地全圖
 地球開闢次序圖
 平圖地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 一本洋三角五分
 二本洋四角
 二本洋六角
 一本洋二角
 一本洋五角
 一本洋一角五分
 一本洋一角五分
 一本洋一角五分
 一本洋一角五分
 四本洋一元
 五十本洋二元七角
 四十本洋四元二角
 廿四本洋四元八角
 廿二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一册洋一角
 一册洋一元
 三十二張洋一元
 一張洋八角

新 啟
告廣司公限有灰洋



啟者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨愈廣灰質經本廠西化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論臺零交易均可本公司總理處設在天津海大道英租界並在東京奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也
德律風一千三百零九號

仁利洋行

本行開設天津上海香港志呢華海參處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表練金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行主人啟
行面議可也

瑞林祥元記
綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡純蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸
瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器球藍 奇巧美術玩器 學界文房用品 旅行携帶等件 精工鑲身物料 定織各色履氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

商務印書館出版各書上海總發行所 分館 發售

欽定大清會典事例全書 版式大小謹遵

會典會典事例全書 進呈原本

商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖五函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期其初蒐無故事朝野皆奉一憲政爲準繩爲國

爲民政府與議員各盡其道中間財政之抗爭法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四冊定價一元五角茲因諮議局不日開辦趕將前二冊先行出版後二冊七月出版預定者實價一元收到書價後即交前二冊並付收條俟後二冊出版時憑條取書特此預告外埠郵費照加



天津商務印書館新書出版



天津分館開設 河北大胡同 電話五百二十六號

勸賑賑災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會齊慶伯及各上司又先後報災邊地高寒水泉素乏童山彌望生植不饒一遇旱乾即成凶禔現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難偏給非再有巨款接濟何能救此哀鴻夫天災流行國家代有救災恤患義不容辭況甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

奏辦京師自來水有限公司開北京正式股東會訂期廣告

啟者本公司自上年四月奉 農工商部奏辦期以來各項工程漸有端緒約計年內可以開市售水亟應開股東會研究營業方針以期推行盡利復因南方股東路途遠未易北來赴會議事特擬於北京漢口兩處各開會一日業經呈部核准在案除漢口開會應俟擇定日期另登報外茲定於九月初五日下午二鐘先在北京市前門內西城根本公司開正式股東會提議一切事件應請 諸位股東自九月初一日起至初三日止各帶股票赴本公司驗明填給入場券屆期即可持券入會如不先領入場券臨時礙難接待再股東領入場券時務祈將姓氏籍貫住址開示以便遇事通函再在北京赴會之股東不得再往漢口與會合併聲明謹啟

工商演說廣告

啟者八月十八日晚八鐘至十一鐘仍在東馬路官講所內演說工商各項要理並請劉巨川先生演說通商論張伯苓先生演說工商要理何子琴先生續演機器論馬力之理由李子鶴先生演說公司之利務益希 各工商屆時 惠臨入聽不取分文特此佈告

天津勸工陳列所謹啟

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
外官商照顧頗加獎
譽茲為推廣招徠起
見自本年起承印各
項價目格外減讓以
副官商雅意如蒙
賜顧請至本局賬
房面議可也

京張鐵路通車廣告

啓者本路工程告竣已通車至張家口現奉 郵傳部憲諭擇於本月十九日在南口舉行開車禮邀請中外官商蒞會業經分東邀請是日凡有請柬者祈至西直門及豐台車站驗票登車至南口後憑入場券請赴茶會所有由西直門及豐台開行時刻次數暨回京時刻分列於後

八月十九日京張鐵路各次車開到時刻單

計開

特別專車

第一次上午九點由西直門開
第二次上午十點由西直門開

豐台至南口專車

第一次上午八點三十分由西直門開
第二次上午九點十五分由豐台開
第三次上午九點三十分由西直門開
第四次上午十一點三十分由豐台開

南口回豐台西直門專車

第一次下午三點由南口開
第二次下午三點十五分由南口開
第三次下午四點由南口開
第四次下午五點由南口開

張家口至南口往返專車

十九上午六點由張家口開
下午三點由南口開

十一點十五分到南口
十一點十五分到南口

九點四十五分到南口
十一點三十四分到南口
十點四十六分到南口
下午一點十分到南口

四點四十分到豐台
四點五十四分到豐台
五點零七分到西直門
六點零七分到西直門

十二點到南口
九點到張家口